

唐

音

統

籤

丙籤六十杜甫之二十九

唐音統籤卷百二

五言律詩十九

巫山縣汾州唐使君十八弟宴別兼諸公攜  
酒樂相送率題小詩留于屋壁

卧病巴東久今年強作歸故人猶遠謫茲日倍多  
遠接宴身兼杖聽歌淚滿衣諸公不相棄擁別借  
光輝

春夜峽州田侍御長史津亭留宴得筵字

北斗三更席西江萬里船杖藜登水榭揮翰宿春  
天白髮須多酒明星惜此筵始知雲雨峽忽盡下

牢邊

頌一作頌

泊松滋江亭

紗帽隨鷗鳥扁舟繫此亭  
江湖深更白松竹遠還青  
一柱全應近高唐莫再經  
今宵南極外甘作老人星

乘雨入行軍第六宅

曙角凌雲罷春城帶雨長  
水花分塹弱巢燕得泥忙  
令弟雄軍佐九材汚省郎  
萍漂忍流涕衰颯近中堂

上巳日徐司錄林園宴集

鬢毛垂領白花葉亞枝紅  
歌倒衰年廢招尋令節  
同薄衣臨積水吹面受和風  
有喜留攀桂無勞問  
轉蓬

宴

侍御書堂

李尚書之芳勳祕監審同集  
歸字韻

江湖春欲暮  
牆宇日猶微  
閣：書籍滿  
輕：花絮  
飛翰林  
名有素墨容  
興無違  
今夜文星動  
吾儕醉  
下歸

南征

春岸挑花水雲帆  
楓樹林偷生長  
避地適遠更需  
襟老病南征  
日君恩北望  
心百年歌自苦  
未見有

知音

地隅

江漢山重阻風雲地一隅年年非故物處處是窮  
途喪亂秦公子悲涼楚大夫平生心已折行路日  
荒蕪

歸夢

道路時通塞江山日寂寥偷生惟一老伐叛已三  
朝雨急青楓暮雲深黑水遙夢魂歸未得不用楚

辭招

夢魂一作  
作夢歸

暮春陪李尚書李中丞過鄭監湖亭泛舟得

過字

海內文章伯湖邊意緒多玉樽移晚興桂楫帶酣  
歌春日繁魚鳥江天足芰荷鄭莊賓客地衰白遠  
來過

和江陵宋大少府暮春雨後同諸公及舍弟  
宴書齋

渥洼汗血種天上麒麟兒才士得神秀書齋問爾  
為棣華晴雨好絲服暮春宜朋友日歡會老夫今  
始知

夏日揚長寧宅送崔侍御常正字入京探韻

得深字

醉酒揚雄宅  
竹堂子賤琴  
不堪垂老鬢  
還對欲分襟  
天地西江遠  
星辰北斗深  
烏臺俯麟閣  
長夏白頭吟

江邊星月二首

驟雨清秋夜  
金波耿玉繩  
天河元自白  
江浦向來澄  
狀物連珠斷  
綠空一鏡升  
餘光憶更漏  
况乃露華凝

憶一作隱

其二

江月辭風纜  
江星別霧船  
鷄鳴還曙色  
鷺浴自晴

川歷：竟誰種悠々何處圓客愁殊未已他夕始

相鮮

曙一作曉  
晴一作清

舟月對驛近寺

更深不假燭月朗自明船金刹青楓外來接白水

邊城烏啼眇々野鷺宿娟々皓首江湖客鈎簾獨

未眠

明一作開

舟中

風餐江柳下雨卧驛樓邊結纜排魚網連檣竝未  
船今朝雲細薄昨夜月清圓飄泊南庭老祇應學  
水僊



江漢

江漢思歸客乾坤一腐儒  
片雲天共遠永夜月同孤  
落日心猶壯秋風病欲蘇  
古來存老馬不必取長途

遠遊

江濶浮高棟雲長出斷山塵  
沙連越雋風雨晴荆蠻雁矯  
銜蘆內猿啼失木間弊裘蘇  
季子歷國未知還

哭李尚書

涕灑不能收哭君餘白頭  
兒童相顧盡宇宙此生

浮江兩銘旌濕湖風井逕秋還瞻魏太子賓客減  
應劉公廐禮部尚書薨于太子賓客  
灑一作泗

獨坐

悲秋回白首倚杖皆孤城江歛洲渚出天虛風物  
清滄溟服衰謝朱紱負平生仰羨黃昏鳥投林羽  
翻輕服一作恨

哭李常侍嶧二首

一代風流盡修文地下深斯人不重見將老失知  
音短日行梅嶺寒山落桂林長安若箇畔猶想映  
貂金

其二

青瑣陪雙入銅梁阻一辭風塵逢我地江漢哭君  
時次第尋書札呼兒檢贈詩發揮王子表不愧使  
臣詞

宴王使君宅題二首

漢主追韓信蒼生起謝安吾徒自飄泊世事各艱  
難逆旅招邀近他鄉意緒寬不才甘朽質高卧豈  
泥蟠

其二

汎愛容霜鬢留歡卜夜闌自吟詩送老相勸酒開

顏戎馬今何地鄉園獨在山江湖隨清月  
酌酹任扶還下夜闌一  
作上夜闌

久客

羈旅知交態淹留見俗情衰顏聊自哂  
小吏最相輕去國哀王粲傷時哭賈生  
狐狸何足道豺虎正縱橫

移居公安山館

南國畫多霧北風天正寒路危行木杪  
身遠宿雲端山鬼吹燈滅厨人語夜闌  
鷄鳴問前館世亂敢求安

官亭夕坐戲簡顏十少府

南國調寒杵西江浸日車  
客愁連蟋蟀亭古帶蒹葭  
葭不返青絲鞵虛燒夜燭花  
老翁須地主細酌  
流霞

公安縣懷古

野曠呂蒙營江深劉備城  
寒天催日短風浪與雲平  
灑落君臣契飛騰戰伐名  
維舟倚前浦長嘯一  
含情

公安送李二十九弟晉肅入蜀余下沔鄂

正解柴桑纜仍看蜀道行  
檣烏相背發塞雁一行

鳴南紀連銅柱西江接錦城憑將百錢卜飄泊問  
君平

五言律詩二十之上

泊岳陽城下

江國踰千里山城僅百層岸風翻夕浪舟雪灑寒  
燈留滯才難盡艱危氣益增圖南未可料變化有  
鯢鵬

攬船苦風戲題四韻奉簡鄭十三判官

楚岸朔風疾天寒鷓鴣呼漲沙蘂草樹舞雪渡江  
湖吹帽時時落繼舟日孤因聲置驛外為覓酒

家壚

楚一作東

登岳陽樓

昔聞洞庭水今上岳陽樓  
吳楚東南坼乾坤日夜浮  
親朋無一字老病有孤舟  
戎馬關山北憑軒涕泗流

陪裴使君登岳陽樓

湖濶兼雲霧樓孤屬晚晴  
禮嘉徐孺子詩接謝宣城  
雪岸叢梅發春泥百草生  
敢違漁父問從此更南征

宿青草湖

洞庭猶在目，青草續為名。  
宿漿依農事，却籤報水程。  
寒水爭倚薄雲月，  
遞微明。湖雁雙飛，  
起人來，故北征。

宿白沙驛

初通湖南五里

水宿仍餘照，人烟復此亭。  
驛邊沙蘆白，湖外草新青。  
萬象皆吞氣，孤槎自客星。  
隨波無限月，近一作南溟。

湘夫人祠

肅：湘妃廟空牆，碧水春蟲書。  
玉佩蘇燕舞，翠帷塵晚泊。  
登汀樹微馨，借渚蘋蒼梧。  
恨不淺染淚，在



叢筠

祠南夕望

百丈牽江色孤舟泛日斜興來猶杖屨目斷更雲  
沙山鬼迷春竹湘娥倚暮花湖南清絕地萬古一  
長嗟

登白馬潭

水生春纜沒日出野船開宿鳥行猶去叢花笑不  
來人！傷白首處！接金盃莫道新知要南征且  
未迴

歸雁

聞道今春雁南歸自廣州見花辭漲海避雪到羅  
浮是物關兵氣何時免客愁年：霜露隔不過五  
湖秋通一  
作過

野望

納：乾坤大行：郡國遙雲山兼五嶺風壤帶三  
苗野樹侵江濶春蒲長雪消扁舟空老去無補聖  
明君服虔曰嶺有五因以為名交趾合浦  
果有此嶺

入喬口長沙北界

漢：舊京遠遲：歸路賒殘年傍水國落日對春  
華樹蜜早蜂亂江泥輕燕斜賈生骨已朽悽惻近

長沙

銅官渚守風

不夜楚帆落，避風湘渚間。  
水耕先浸草，野火更燒山。  
早泊雲物晦，逆行波浪慳。  
飛來雙白鷁，過去杳

難攀

野一作春

發潭州

夜醉長沙酒，燒行湘水春。  
岸花飛送客，檣燕語留人。  
賈傅才何有，褚公書絕倫。  
名高前後事，回首一傷神。

丙籤六十杜甫之三十

唐音統籤卷

二百一

五言律詩二十之下

雙楓浦

輟掉青楓浦雙楓舊已摧  
自驚衰謝力不道棟梁  
材浪足浮紗帽皮須截  
錦苔江邊地有主暫借上  
天迴

東津送韋諷攝閩州錄事

聞說江山好憐君吏隱兼  
寵行舟遠汎惜別酒頻  
添推薦非承乏操持必去嫌  
他時如按縣不得慢

陶潛

衡州送李大夫七丈勉赴廣州

斧鉞下青真樓船過洞庭北風隨爽氣南斗避文  
星日月籠中鳥乾坤水上萍王孫丈人行壘老見  
飄零

江閣臥病走筆寄呈崔盧兩侍御

客子庖厨薄江流枕席清衰年病祗瘦長夏想為  
情滑憶雕飯香聞錦帶羹溜匙兼暖腹誰欲致  
盃罍

潭州送韋員外迢牧韶州

炎海韶州牧風流漢署郎分符先令望同舍有輝

光白首多年疾秋天昨夜涼洞庭無過雁書疏莫  
相忘

酬韋韶州見寄

養拙江湖外朝廷記憶疎深慙長者轍重得故人  
書白髮絲難理新詩錦不如雖無南過雁看取北  
來魚

樓上

天地空搔首頻抽白玉簪皇輿三極北身事五湖  
南戀闕勞肝肺論村愧杞柵亂離難自救終是老

湘潭

晚秋長沙蔡五侍御飲筵送殷六叅軍歸澧

州觀者

佳士欣相識  
慈顏望遠遊  
甘從投轄飲  
肯作置書郵  
高鳥黃雲暮  
寒蟬碧樹秋  
湖南冬不雪  
吾病得淹留

舟中夜雪有懷盧十四侍御弟

朔風吹桂水  
大雪夜紛紛  
暗度南樓月  
寒深北渚雲  
燭斜初近見  
舟重竟無聞  
不識山陰道  
聽雞更憶君

對雪

北雪犯長沙胡雲冷萬家隨風且間葉帶雨不成  
花金錯囊垂罄銀壺酒易賒無人竭浮蟻有待至  
昏鴉何遜詩城陰度整黑昏鴉接翅歸垂一作徒

送趙十七明府之縣

連城爲寶重茂宰得才新山雉迎舟揖江花報邑  
人論交翻恨晚臥病却愁春惠愛南翁悅餘波及  
老身

歸雁二首

萬里衡陽雁今年又北歸雙雙瞻客上一一背人  
飛雲裏相呼疾沙遠自宿稀繫書無浪語愁寂故



山薇

其二

欲雪違地先花別楚雲却過清渭影高起洞庭  
群寒北春陰暮江南日色醺傷弓流落羽行斷不  
堪聞

春酬冠十侍御錫見寄四韻復寄冠

往別郇瑕地于今四十年來簪御府筆故泊洞庭  
船詩憶傷心處春深把臂前南瞻按百越黃帽待  
君偏

江閣對雨有懷行營裴二端公

端出餞遲便與先生應永訣九重泉路盡交期

臘日

臘日常年暖向遙今年臘日凍全消  
侵凌雪色還萱草漏洩春光有柳條  
縱酒欲謀良夜醉還家初散紫宸朝  
口脂面葉隨恩澤翠管銀罌下九霄

奉賀賈至舍人早朝大明宮

舍人先世掌  
絲綸

五夜漏聲催曉箭九重春色醉仙桃  
旌旗日暖龍蛇動宮殿風微燕雀高  
朝罷香煙携滿袖詩成珠玉在揮毫  
欲知世掌絲綸美池上于今有鳳毛

重一作天

于一作如

宣政殿退朝晚出左掖

天門日射黃金榜，春殿晴熏赤羽旗。  
宮草霏霏承委佩，爐煙細細駐遊絲。  
雲近蓬萊常五色，雪殘鷓鴣亦多時。  
侍臣緩步歸青瑣，退食從容出每遲。

霏霏一作微微

紫宸殿退朝口號

戶外昭容紫袖垂，雙瞻御座引朝儀。  
香飄合殿春風轉，花覆千官淑景移。  
晝漏稀聞高閣報，天顏有喜近臣知。  
宮中每出歸東省，會送夔龍集鳳池。

稀一作聲集一作到

題省中壁

掖垣竹埤梧十尋洞門對雪常陰陰落花遊絲白  
日靜鳴鳩乳燕青春深腐儒衰晚謬通籍退食遲  
回遠寸心衰職曾無一字補許身愧比雙南金

雪舊本作霽

曲江陪鄭八丈南史飲

崔啄江頭黃柳花鵝鵲鵝鵝滿晴沙自知白髮非  
春事且盡芳樽戀物華近侍郎今難浪跡此身那  
得更無家丈人才力猶強健豈傍青門學種瓜

曲江二首

一片花飛減却春風飄萬點正愁人且看欲盡花  
經眼莫厭傷多酒入唇江上小堂巢翡翠苑邊高  
塚臥麒麟細推物理須行樂何用浮名絆此身

其二

朝回日日典春衣每日江頭盡醉歸酒債尋常行  
處有人生七十古來稀穿花蛺蝶深深見點水蜻  
蜓款款飛傳語風光共流轉暫時相賞莫相違

曲江對酒

苑外江頭坐不歸水精春殿轉霏微桃花細逐楊  
花落黃鳥時兼白鳥飛縱飲久判人共棄懶朝真

心地正想氤氳滿眼香無路從容陪語笑有時顛  
倒著衣裳何人錯憶窮愁日愁日愁隨一線長  
地一作處氤一作氣憶一作認

其二

憶昨逍遙供奉班去年今日侍龍顏麒麟不動壚  
煙上孔雀徐開扇影還玉几由來天北極朱衣只  
在殿中間孤城此日堪腸斷愁對寒雲白滿山  
白一作雪

恨別

洛城一別四千里胡騎長驅五六年草木變衰行

劍外兵戈阻絕老江邊  
思家步月清宵立  
憶弟看雲白日眠  
聞道河陽近  
乘勝司徒急  
爲破幽燕

四一作三日一作晝

卜居

浣花溪水水西頭  
主人爲卜林塘幽  
已知出郭少塵事  
更有沉江銷客愁  
無數蜻蜓齊上下一雙鷗  
鵝對沉浮東行萬里堪乘興  
須向山陰上小舟

溪一作之上 一作入

堂成

背郭堂成蔭白茅  
綠江路熟俯青郊  
檉林礙口吟

風葉

檜木名不材可充薪而已惟蜀地最宜種籠

竹和煙滴露稍暫止飛鳥將數子頻來語燕定新

巢旁人錯比揚雄宅懶惰無心作解嘲

止一作下  
惰一作慢

賓至

一題作有客

幽棲地僻經過少老病人扶再拜難豈有文章驚  
海內謾勞車馬駐江干竟日淹留佳客坐百年麤  
糲腐儒餐不嫌野外無供給乘興還來看藥欄

不一作莫

狂夫



萬里橋西一草堂  
百花潭水即滄浪  
風含翠篠娟娟靜  
雨裊紅蕖冉冉香  
厚祿故人書斷絕  
恒飢推子色  
淒涼欲填溝壑  
唯踈放自笑  
狂夫老更狂

一一作新

丙籤六十杜甫之三十一

唐音統籤卷二百

七言律詩二

蜀相

丞相祠堂何處尋  
錦官城外柏森森  
映階碧草自春色  
隔葉黃鸝空好音  
三顧頻繁天下計  
兩朝開濟老臣心  
出師未捷身先死  
長使英雄淚滿襟

江村

清江一曲抱村流  
長夏江村事事幽  
自去自來堂上燕  
相親相近水中鷗  
老妻畫紙為棋局  
稚子敲針作釣鉤  
多病所須惟藥物  
微軀此外更何求

作歸為一作  
成何一作無

野老

野老籬前江岫迴柴門不正逐江開漁人網集澄  
潭下賈客船隨返照來長路關心悲劔閣片雲何  
意傍琴臺王師未報收東郡城闕秋生畫角哀

得

湖城

片雲何意一作行  
雲幾處意一作華

南鄰

錦里先生烏角巾園收芋栗未全貧慣看賓客兒  
童喜得食塔除烏雀剝秋水繞深四五尺野航恰  
受兩三人白沙翠竹江村暮相送柴門月色新一未

音作不航  
非航詩紀作航  
特將四航

和裴迪登蜀州東亭送客逢早梅相憶見寄  
東閣官梅動詩興  
還如何遜在揚州  
此時對雪遙  
相憶送客逢春可自由  
幸不折來傷歲暮  
若為看  
去亂鄉愁江邊一樹垂  
垂發朝夕催人自白頭

一作花  
一作春

客至  
一作喜  
一作相過

舍南舍北皆春水  
但見羣鷗日日来  
花徑不曾緣  
客掃  
蓬門今始為君開  
盤餐市遠無兼味  
樽酒家  
貧只舊醅  
肯與鄰翁相對飲  
隔籬呼取盡餘杯

作者一  
作有

寄柱位

位京中有宛近西  
曲江詩尾有述

近聞寬法離新州想見歸懷尚百憂  
逐客雖皆萬里去悲君已是十年流  
干戈况後塵隨眼鬢髮還應雪滿頭  
玉壘題書心緒亂何時更得曲江遊

作有塵一作  
行雪一作白

送韓十四江東省覲

兵戈不見老萊衣歎息人間萬事非  
我已無家尋弟妹君今何處訪庭闈  
黃牛峽靜灘聲轉白馬江寒樹影稀  
此別應須各努力故鄉猶恐未同歸

運作

所思

苦憶荊州醉司馬

崔吏部

請官樽酒定常開九江日

落醒何處一柱觀頭眠幾回可憐懷抱向人盡欲

問平安無使來故憑錦水將雙淚好過瞿唐灩澦

堆

官一作居  
酒一作俎

進艇

南京久客耕南畝北望傷神坐北窓畫引老妻乘  
小艇晴看稚子浴清江俱飛蛺蝶元相逐豈蒹葭  
蒼本自雙茗飲蔗漿携所有堯甕無謝玉為缸

王十七侍御掄許携酒至草堂奉寄此詩便  
請邀高三十五使君同到

老夫卧穩朝慵起白屋寒多暖始開江鶴巧當幽  
徑浴鄰雞還過短墻來繡衣屢許携家釀阜蓋能  
忘折野梅戲假霜威侵山簡須成一醉習池回一橋  
作病鶴一作鶴釀一  
作醞一醉一作醉菓

奉寄別馬巴州

時甫除京兆功曹在東川

勲業終歸馬伏波功曹非復漢蕭何扁舟繫纜沙  
邊久南國浮雲水上多獨把魚竿終遠去難隨馬  
翼一相過知君未愛春湖色興在驪駒白玉珂終

一作真歸非一  
作無馬疑作鳥

陪李七司馬阜江上觀造竹橋即日成往來  
之人免冬寒入冰聊題短作奉簡李公

伐竹為橋結構同褰裳不涉往來通天寒白鶴歸  
華表日落青龍見水中願我老非題柱客知君才  
是濟川功合歡却笑千年事  
一歎

觀作

奉待嚴大夫

殊方又喜故人來重鎮還須濟世才常怪偏裨終  
日待不知旌節隔年回欲辭已微啼鶯合遠下荆



門去鷓催身老時危思會面一生襟抱向誰開一作襟

野望

西山白雪三城戍南浦清江萬里橋海內風塵諸  
弟隔天涯涕淚一身遙唯將遲暮供多病未有涓  
埃答聖朝跨馬出郊時極目不堪人事日蕭條一作

奇作

巖中丞枉駕見過

巖自東川除西川  
勅今兩川都節制

元戎小隊出郊坰問柳尋花到野亭川合東西瞻  
使節地分南北任流萍扁舟不獨如張翰白帽應

兼似管寧寂寞江天雲霧裏何人道有少微星

世白

一本作阜流  
一作孤

奉酬嚴公寄題野亭之作

拾遺曾奏數行書  
懶性從來水竹居  
奉引濫騎沙苑馬  
幽棲真釣錦江魚  
謝安不倦登臨費  
阮籍焉知禮法踈  
枉沐旌麾出城府  
草茅無<sub>一作無</sub>逕欲教鋤

荒作

野人送朱櫻

朱櫻一作櫻桃

西蜀櫻桃也自紅  
野人相贈滿筠籠  
數回細寫愁仍破  
萬顆勻圓訝許同  
憶昨賜露門下省  
退朝攀

出大明宮金盤玉箸無消息此日嘗新任轉蓬  
江上值水如海勢聊短述

為人性僻耽佳句語不驚人死不休老去詩篇渾  
漫興春來花鳥莫深愁新添水檻供垂釣故著浮  
槎替入舟馬得思如陶謝手令渠述作與同遊

嚴公仲夏枉駕草堂兼携酒饌得寒字

竹裏行厨洗玉盤花邊立馬簇金鞍非關使者徵  
求急自識將軍禮數寬百年地僻柴門迴五月江  
深草閣寒者弄漁舟移白日老農何有罄交歡

關作

一作

秋盡

秋盡東行且未迴，茅齋寄在少城隈。  
籬邊老却陶潛菊，江上徒逢袁紹杯。  
雪嶺獨看西日落，劔門猶阻北人來。  
不辭萬里長為客，懷抱何時獨好開。  
一作得

野望

金華山北涪水西，仲冬風日始淒淒。  
山連越雋蟠三蜀，水散巴渝下五溪。  
獨鶴不知何事舞，飢鳥似欲向人啼。  
射洪春酒寒仍綠，目極傷神誰為携。

聞官軍收河南河北

劍外忽傳叔薊北初聞涕淚滿衣裳却看妻子愁  
何在漫卷詩書喜欲狂白首放歌須縱酒青春作  
伴好還鄉即從巴峽穿巫峽便下襄陽向洛陽余

園在東川

首一作日

洛城縣香積寺官閣

寺下春江深不流山腰官閣迴添愁含風翠壁孤  
雲細背日丹楓萬木稠小院回廊春寂寂浴鳧飛  
鷺晚悠悠諸天合在藤蘿外昏黑應須到上頭

送路六侍御入朝

重雅情親四十年中間消息兩茫然更為後會知

何處忽漫相逢是別筵不分桃花紅勝錦生憎柳絮白於綿劍南春色還無賴觸忤愁人到酒邊

送辛員外

雙峰寂寂對春臺萬竹青青照客杯  
細草留連侵坐軟殘花悵望近人開  
同舟昨日何由得並馬今朝未擬回  
直到綿州始分首江邊樹裏共誰來

一作送首  
一作手

送王十五判官扶侍還黔中得開字

大家東征逐子回風生洲渚錦帆開  
青青竹笋迎船出白白江魚入饌來  
離別不堪無限意艱危深

仗濟時才默陽信使應稀少莫怪頻頻勸酒杯

章梓州橘亭餞成都賓少尹

秋日野亭千橘香玉杯錦席高雲涼主人送客何  
所作音行酒賦詩殊未央衰老應為難離別賢音  
此去有輝光預傳籍籍新京兆青史無勞數趙張

北一作尹

九日

去年登高鄴縣北今日重在涪江濱苦遭白髮不  
相放羞見黃花無數新世亂鬢鬢久為客路難悠  
悠常傍人酒闌却憶十年事腸斷驪山清路塵

七言律詩三之上

滕王亭子

王亭在玉臺觀內  
王曾典此州

君王臺榭枕巴山，萬丈丹梯尚可攀。  
春日鶯啼修竹裏，仙家犬吠白雲間。  
清江碧石傷心麗，嫩藥濃花滿目斑。  
人到于今歌出牧，未遊此地不知還。

玉臺觀

滕王  
逆

中天積翠玉臺遙，上帝高居絳節朝。  
逆有馮夷來擊鼓，始知嬴女善吹簫。  
江光隱見龜鼉窟，石勢參差鳥鵲橋。  
更有紅顏生羽翰，便應黃髮老漁樵。

奉寄章十侍御

時初罷梓州刺史東  
川留後將赴朝廷



淮海維揚一俊人，金章紫綬照青春。  
指麾能事回天地，訓練強兵動鬼神。  
湘西不得歸關羽，河內猶宜借寇恂。  
朝覲從容問幽側，勿云江漢老垂綸。

一作

將赴荆南寄別李劍州弟

使君高義驅今古，寥落三年坐劍州。  
但見文翁能化俗，焉知李廣未封侯。  
路經滄瀨雙蓬鬢，天入滄浪一釣舟。  
戎馬相逢更何日，春風回首仲宣樓。

將赴成都草堂途中有作先寄嚴鄭公五首  
得歸茅屋赴成都，直為文翁再剖符。  
但使閭閻還

揖讓敢論松竹久荒蕪魚知丙穴由來美酒憶郢  
筒不用酤五馬舊曾踏小徑幾回書札待潛夫一五  
真作

其二

處處清江帶白蘋故園猶得見殘春雪山片候無  
兵馬錦里逢迎有主人休怪兒童延俗客不教鵝  
鴨惱比鄰習池未覺風流盡况復荊州賞更新

其三

竹寒沙碧浣花溪橘刺藤梢咫尺迷過客徑頭愁  
出入居人不自解東西書籤藥囊封蛛網野店山

橋送馬蹄肯藉荒庭春草色先判一飲醉如泥一橋

一作菱春草  
一作新月

其四

常苦沙崩損藥欄也從江檻落風湍新松恨不高  
千尺惡竹應須斬萬竿生理祇憑黃閣老衰顏欲  
付紫金丹三年奔走空皮骨信有人間行路難

其五

錦官城西生事微烏皮几在還思歸昔去為憂亂  
兵入今來已恐鄰人非側身天地更懷古回首風  
塵甘息機共說總戎雲烏陣不妨遊子芟荷衣

題桃樹

小徑升堂舊不斜，五株桃樹亦從遮。  
高秋總覩鄰人實，來歲還舒滿眼花。  
簾戶每宜通乳鷺，兒童莫信打慈鴟。  
寡妻羣盜非今日，天下車馬正一家。  
一鄰

作貧正  
一作已

登樓

花近高樓傷客心，萬方多難此登臨。  
錦江春色來天地，玉壘浮雲變古今。  
北極朝廷終不改，西山寇盜莫相侵。  
可憐後主還祠廟，日暮聊為梁父吟。

院中晚晴懷西郭茅舍

幕府秋風日夜清  
澹雲疎雨過高城  
葉心未實堪時落  
階面青苔先自生  
樓臺銜暮景不勞鐘  
鼓報新晴  
浣花溪裏花饒笑  
肯信吾兼吏隱名  
一作

宿府

清秋幕府井梧寒  
獨宿江城蠟炬殘  
永夜角聲悲自語  
中天月色好誰看  
風塵荏苒音書絕  
關塞蕭條行路難  
已忍伶俜十年事  
強移樓息一枝安

至後

冬至至後日初長  
遠在劍南思洛陽  
青袍白馬有

何意金谷銅駝非故鄉  
梅花欲開不自覺  
棘萼一別永相望  
愁極本憑詩遣興  
詩成吟詠轉淒涼

奉寄高常侍

汶上相逢年頗多  
飛騰無那故人何  
總戎楚蜀應全未  
方駕曹劉不啻過  
今日朝廷須汲黯  
中原將帥憶廉頗  
天涯春色催遲暮  
別淚遙添錦水波

暮登西安寺鐘樓寄裴十迪

西安一作四安

暮倚高樓對雪峰  
僧來不語自鳴鐘  
孤城返照紅將歛  
近市浮煙翠且重  
多病獨愁常聞寂  
故人相見未從容  
知君苦思緣詩瘦  
太向交游萬事慵

丙籤六十杜甫之三十二

唐音統籤卷二百

七言律詩三之下

撥固 一作贈展二別駕

聞道雲安麴米春纔頌一盞卽醺人  
乘舟取醉非難事下峽銷愁定幾巡  
長年三老遙憐汝振柁開頭捷有神  
已辦青錢防雇直當令美味入吾唇

一作  
鳴枕

諸將五首

漢朝陵墓對南山 千秋尚入關  
昨日玉魚蒙奠地 早時金盃出人間  
見愁汗馬西戎逼 曾閃朱

旗北斗殿多少材官守涇渭將軍且莫破愁顏

今殿

關本作

其二

韓公本意築三城擬絕天驕拔漢旌豈謂蓋煩回  
虢馬翻然速救朔方兵胡來不覺潼關溢龍起猶  
聞晉水清獨使至尊憂社稷諸君何以答昇平

其三

洛陽宮殿化為烽休道秦關百二重滄海未全歸  
禹貢蘄門何處覓堯封朝廷衮職誰爭補天下軍  
儲不自供稍喜臨邊王相國肯銷金甲事春農



其四

迴首扶桑銅柱標冥冥氛祲未全銷  
越裳翡翠無消息南海明珠久寂寥  
殊錫曾為大司馬總戎皆擢侍中貂  
炎風朔雪天王地只在忠良翊聖朝

臣作

其五

錦江春色逐人來巫峽清秋萬壑哀  
正憶往時嚴僕射共迎中使望鄉臺  
主恩前後三持節軍令分明教舉杯  
西蜀地形天下險危須仗出羣

賴憶

一作

十二月一日三首

今朝臘月春意動雲安縣前江可憐一聲何處送  
書雁百文誰家上瀨船未將梅蕊驚愁眼更取揪  
花媚遠天明光起草人所羨肺病幾時朝日進  
一瀨

本作水揪今  
本作揪

其二

寒輕市上山煙碧日滿樓前江霧黃負鹽出井此  
谿女打鼓發船何郡郎新亭舉目風景切茂陵著  
書消渴長春花不愁不爛熳楚客唯聽棹相將

其三

卽看燕子入山扉豈有黃鸝歷翠微短短桃花臨

水岍輕輕柳絮點人衣  
春來準擬開懷久老去親  
知見面稀他日一杯難強進  
重嗟筋力故山遠

立春

春日春盤細生菜  
忽憶兩京梅發時  
盤出高門行  
白玉茶傳纖手送  
青絲巫峽寒江那對眼  
杜陵遠  
客不勝悲此身未知歸定處  
呼兒覓紙一題詩

白帝城最高樓

城尖徑仄旌旆愁  
獨立縹緲之飛樓  
峽坼雲霞龍  
虎睡江清日抱鼉鼉  
遊扶桑西枝封斷石  
弱水東  
影隨長流杖藜歎世者  
誰子泣血迸空迴白頭

愁 強戲為吳體

江草日日喚愁生，巫峽泠泠非世情。  
盤渦騫浴底心性，獨樹花發自分明。  
十年戎馬暗南國，異域賓客老孤城。  
渭水秦川得見否，人今罷病虎縱橫。

一作春川今木作山

遣悶戲呈路十九曹長

江浦雷聲喧昨夜，春城雨色動微寒。  
黃鶯並坐交愁濕，白鶩羣飛大劇乾。  
晚節漸於詩律細，誰家數去酒盃寬。  
唯君最愛清狂客，百遍相過意未闌。

一作本一作者

一作今

暮春

臥病擁塞在峽中  
瀟湘洞度虛映空  
楚天不斷四時雨  
巫峽長吹萬里風  
沙上草開柳新暗  
城邊野池蓮欲紅  
暮春鶯鷺立洲渚  
杖子翻飛還一叢

寄常徵君

白水青山空復春  
徵君晚節傍風塵  
楚妃堂上色殊衆  
海鶴階前鳴向人  
萬事糾紛猶絕粒  
一官羈絆實藏身  
開州入夏知涼冷  
不似雲安毒熱新

示獠奴阿旻

山木蒼蒼落日曛  
竹竿裊裊細泉分  
郡人入夜爭

餘瀝稚子尋源獨不開病渴三更迴白首傳聲一  
注濕青雲曾驚陶侃 異怪爾常穿虎豹羣一稚

作豎

峽中覽物

曾為掾吏趨三輔憶在潼關詩興多巫峽忽如騰  
華嶽蜀江猶似見黃河舟中得病移衾枕洞口經  
春長薜蘿形勝有餘風土惡幾時回首一高歌猶一作還

七言律詩四

七月一日題終明府水樓二首

高棟層軒已自涼秋風此日灑衣裳儵然欲下陰

山雪不去非無漢暑香絕壁過雲開錦繡疎松隔  
水奏笙簧看君宜著王喬履真賜還疑出尚方

終明

府功曹也葉攝奉節令故  
有此語佇觀姿卽真也

其二

宓子彈琴邑宰日終軍棄繻英妙時承家節操尚  
不泯為政風流今在茲可憐賓客盡傾蓋何處老  
翁來賦詩楚江巫峽半雲雨清簟疎簾看弈碁

黃草

黃草峽西船不歸赤甲山下人行稀秦中驛使無  
消息蜀道兵戈有是非萬里秋風吹錦水誰家別

淚濕羅衣莫愁劍閣終堪據開道松州已被圍行人

一作行人

兵一作干

白帝

白帝城中雲出門白帝城下雨翻盆高江急峽雷  
震闌翠木蒼藤日月昏戎馬不如歸馬逸千家今有  
百家存哀哀寡婦誅求盡慟哭秋原何處村

中一作  
頭翠一

作古蒼一作長戎

一作去百一作十

吹笛

吹笛秋山風月清誰家巧作斷腸聲風飄律呂相  
和切月傍關山幾處明騎中宵堪北走武陵一



曲想南征故園楊柳今搖落何得愁中却盡生一傍

一作倚搖  
一作摧搖

夜

露下天高秋氣清空山獨夜放鳧鷖疎燈自照孤  
帆宿新月猶懸雙杵鳴南菊再逢人臥病北書不  
至雁無情步檐倚杖看牛斗銀漢遙應接鳳城世氣

本作水雙  
舊本作數

秋興八首

玉露凋傷楓樹林巫山巫峽氣蕭森江間波浪兼  
天湧塞上風雲接地陰叢菊兩開他日淚孤舟一

繫故園心寒衣處處催刀尺白帝城高急暮砧

其二

夔府孤城落日斜每依北斗望京華聽猿實下三  
聲淚奉使虛隨八月槎畫省香爐遠伏枕山樓粉  
堞隱悲茄請看石上藤蘿月已映洲前蘆荻花

北

南作

其三

千家山郭靜朝暉日日江樓坐翠微信宿漁人還  
汎汎清秋燕子故飛飛匡衡抗疏功名簿劉向傳  
經心事違同學少年多不賤五陵衣馬自輕肥

其四

開道長安似奕碁百年世事不勝悲  
王侯第宅皆新主文武衣冠異昔時  
直北闕山金鼓振征西車馬羽書遲  
魚龍寂寞秋江冷故國平居有所思

一作堪遲  
一作馳

其五

蓬萊宮闕對南山承露金莖霄漢間  
西望瑤池降王母東來紫氣滿函關  
雲移雉尾開宮扇日繞龍鱗識聖顏  
一卧滄江驚歲晚幾回青瑣點朝班

其六

瞿唐峽口曲江頭萬里風煙接素秋  
花萼夾城通御氣芙蓉小花入邊愁  
珠簾繡柱圍黃鵠錦纜牙檣起白鷗  
回首可憐歌舞地秦中自古帝王州

鶴作

其七

昆明池水漢時功武帝旌旗在眼中  
織女機絲虛夜月石鯨鱗甲動秋風  
波漂菰米沉雲黑露冷蓮房墜粉紅  
闌塞極天唯鳥道江湖滿地一漁翁

其八

昆吾御宿自逶迤紫閣峰陰入漢陂  
香稻啄餘鷗

其五

諸葛大名垂宇宙宗臣遺像肅清高三分割據紆  
籌策萬古雲霄一羽毛伯仲之間見伊呂指揮若  
定失蕭曹運移漢祚終難復志決身殲軍務勞古

作里終難  
一作難恢

小至

天時人事日相催冬至陽生春又來刺繡五紋添  
弱線吹葭六琯動飛灰岸容待臘將舒柳山意衝  
寒欲放梅雲物不殊鄉國異教兒且覆掌中杯飛世

本非

見王監兵馬使說近山有白黑二鷹羅者久  
取竟未能得王以毛骨有異他鷹恐臘後春  
生鸞飛避暖勁翮思秋之甚眇不可見請余

賦詩二首

王以下世本  
添一為字

雲飛玉立盡清秋不惜奇毛恣遠遊在野只教心  
力破于人何事網羅求一生自獵知無敵百中爭  
能耻下韝鵬礙九天須却避兔經三窟莫深憂一經

藏作

其二

黑鷹不省人間有度海疑從北極來正翮搏風超

鷓鴣粒碧梧棲老鳳凰枝佳人拾翠春相問僊侶同  
舟晚更移綠筆昔曾干氣象白頭吟望苦低垂一作

詠懷古跡五首

支離東北風塵際漂泊西南天地間三峽樓臺淹  
日月五溪衣服共雲山羯事主終無賴詞客哀  
時且未還庾信平生最蕭瑟暮年詩賦動江關

其二

搖落深知宋玉悲風流儒雅亦吾師悵望千秋一  
灑淚蕭條異代不同時江山故宅空文藻雲雨荒

臺豈夢思最是楚宮俱泯滅舟人指點到今疑

其三

羣山萬壑赴荆門生長明妃尚有村一去紫臺連  
朔漠獨留青塚向黃昏畫圖省識春風面環珮空  
歸月夜蒐千載琵琶作語分明怨恨曲中論

其四

蜀主窺吳幸三峽崩年亦在永安宮翠華想像空  
山裏玉殿虛無野寺中山有臥龍寺  
先主祠在焉古廟杉松巢  
水鶴歲時伏臘走村翁武侯祠屋長鄰近殿今為  
寺廟在

宮一體君臣祭祀同



紫塞玄冬幾夜宿陽臺虞羅自覺虛施巧春雁同  
歸必見猜萬里寒空只一日金眸玉爪不凡材今覺

各本作

奉送蜀州栢二別駕將中丞命赴江陵起居  
衛尚書太夫人因示從弟行軍司馬位

中丞問俗畫熊頰愛弟傳書綠鷁新遷轉五州防  
禦使起居八座太夫人楚宮臘送荆門水白帝雲  
偷碧海春與報惠連詩不惜知吾斑鬢總如銀

閣夜

歲暮陰陽催短景天涯霜雪霽寒宵五更鼓角聲

悲壯三峽星河影動搖野哭千家聞戰伐夷歌幾  
處起漁樵臥龍躍馬終黃土人事音書漫寂寥一  
千  
作幾幾一作數音  
書舊本作依依

赤甲

卜居赤甲遷居新兩見巫山楚水春炙背可以獻  
天子美芹由來知野人荊州鄭薛寄書近蜀客鄰  
岑非我鄰笑接郎中評事飲病從深酌道吾真

江雨有懷鄭典設

春雨閣閣塞峽中早晚來自楚王宮亂波分披已  
打岸弱雲狼籍不禁風寵光蕙葉與多碧點注桃

花舒小紅谷口子真正憶汝岬高瀼滑限西東  
雨不絕

鳴雨既過漸細微映空搖颺如絲飛階前短草泥  
不亂院裏長條風乍稀舞石旋應將乳子行雲莫  
自濕仙衣眼邊江舸何忽促未得安流逆浪歸

崔評事弟許相迎不到應慮老夫見泥雨怯  
出必愆佳期走筆戲簡

江閣邀賓許馬迎午時起坐自天明浮雲不負青  
春色細雨何孤白帝城身過花間露濕好醉於馬  
上往來輕虛疑皓首衝泥怯實少銀鞍倚險行

畫夢

二月饒睡昏昏然不獨夜短晝分眠桃花氣暖眼  
自醉春渚日落夢相牽故鄉門巷荆棘底中原君  
臣豺虎邊安得務農息戰鬪普天無吏橫索錢

卽事

暮春三月巫峽長晶晶行雲浮日光雷聲忽送千  
峰雨花氣渾如不和香黃鶯過水翻迴去燕子銜  
泥濕不妨飛閣卷簾圖畫裏虛無只少對瀟湘